

韓魏公集

一之五



詩

漢書門類			三四二七
九	函	架	冊
一	二	三	冊

庫	文	閣	內
三五	函	架	冊
三四	函	架	冊
二七	函	架	冊

內閣文庫	
番號	漢 3427
冊數	12 ( 2 )
函號	315 60



韓魏公集卷之一

淺草文庫

宋韓琦雅圭著

明康丕揚士遇校

瓊花

詩

維揚一株花四海魚同類年年后土祠獨比瓊瑤  
貴中含散水芳外團蝴蝶戲醪醪不見香芍藥慚  
多媚扶踈翠盖圓散亂真珠綴不從衆格繁自守  
幽姿粹嘗聞好事家欲移京穀地既違孤潔情終



誤栽培意洛陽紅牡丹適時名轉異新榮託舊枝  
萬狀呈妖麗天工借顏色深淡隨人智三春愛賞  
時車馬喧如市草木稟賦殊得失豈輕議我來首  
見花對花聊自醉

夜合

俗人之愛花重色不重香吾今得真賞似矯時之  
常所愛夜合香清芬踰衆芳葉葉自相對開歛隨  
陰陽不慚歷草滋獨擅堯堦祥得此合歡名憂忿  
誠可忘茸茸紅白姿百和從風飈沉水燎庭檻薰

陸紛纓裳滿月固未歇况茲夏景長凡目不我貴  
馥烈徒自將仲尼失城明史遷疑子房以貌不以  
行舉世同悲傷予欲先馨德群艷孰可方直饒妖  
牡丹須讓花中王

蜂蠆

事小不可忽義或戒蜂蠆蜂蠆之中人始意脫已  
害人兮怒一蟲為報速睚眦白晝摘危巢夜燭窮  
纖介必獲而後已立死已為快彼誠蓄微毒謂已  
有所賴失於小不忍而自取糜壞吁嗟陰巧徒毒

邁蜂蠆大包潛中善良斷腕未足駭小或一身危  
甚則家族逮淵微如鬼神無隙可漏敗君子被戕  
賊守道不為怪有時醜迹露事或無可柰一旦吾  
道行乃置之度外使其自愧縮似不容覆載非力  
不足較顧有盛德在陰巧既常幸蜂蠆胡不貸

啄木

剝剝復卜卜意若念良木營營求蠹心未獲空我  
腹或露一襠紅或展雙翅綠捷綠都盧撞響弄羯  
鼓曲搜索不知疲利嘴信摧秃忽爾破其穴種類

無遺族內孽固難辨一發知潛伏彼實害珍材盡  
殄此非酷直疑天意深不使嗜梁肉專為衆蠹仇  
待飲弗與足如今知庶味恣擇蟲與粟杞梓任陰  
賊長啄罷攻觸飽食作群飛時下泉沼浴歸鳴涼  
樹陰暮趨高枝宿

來鳳

來鳳趨社期翩若天外至徘徊大厦間汲汲營巢  
意中心有所託自謂得其地銜泥兩吻瘡且暮不  
少憇主人愛高堂病爾如疴贅爾巢屢膚寸長挺

輒摧墜胡為不識嫌又續前功棄何處無蓬茅自  
足為生計不爾卯而覆其禍愈非細予既傷爾恩  
竊復探爾志孜孜不忍去欲動主人義萬一憐其  
勤庶獲息我類巨棟既不撓出處安且貴其能無  
報乎唯守信無貳年年應候來剗狎如兒稚雙雙  
軒戶前為君作嘉致不學君家客去就惟勢利微  
羽一知歸至死不他詣

感花

彫堂瞰寶欄有花病不妍誰知窮山顛牡丹一尺  
圓寶欄鋤溉足窮山風日煎彼此不得地天道胡  
為然而適豈易得茲恨無窮年

落葉

人觀落葉悲我視落葉喜請看四序速次第若屈  
指風霜一瞬過望春時有幾榮固悴之端衰亦盛  
之始須知衆木疎便是群芳啓舉此較人事蓋不  
異物理否泰與消長反復殊未已釀酒整筵歌坐  
待新萌起

讀劉勰春秋新解

夫子春秋之所記二百四十有二年謹嚴之法不可犯欲示萬世天子權禮樂征伐必上出諸侯雖大莫得專周平東遷魯君隱王綱壞裂勿復聯天王所存位粵號列國自用公承傳齊桓晉文無實義挾周徇已掩大愆不歸聖筆立中制誰其當罪誰其賢紛紛五傳角同異各專門戶執所偏遂令學者蹈迷徑不探元本遭霸牽至于歆角父子間亦反天性相鏡鑿何休杜預范甯輩離經附傳以臆箋膏肓廢疾互譏病雖欲針起難自痊前人文

字字可數議難啾唧秋嘆蟬有唐名儒陸淳者始開奧壤窺源泉我朝又得孫明復大明聖意踳重淵劉生新鮮最後出了無塞礙成通川所趨旨義極簡正榘柱畧論牢且堅事不歸王皆不與達經之志所以然詩三百可一言蔽曰思無邪而已焉方今四海大一統萬里號令猶君前安不思危易甚治母容僭亂生階緣往持此說助邦政坐令當宸尊如天

荅孫植太博後園宴射

花稍點紅牙綠茁寧亭爽塏堦雲列呼賓習射次  
序升體裁人人矜勇控六鈞力副百中藝申基注  
目老羿拽支九屈右何太工象弭急收如列缺須  
史一鎬入鵠心畫鼓連轟盡聲喝後者審固意愈  
精有時大呼 譬箭筈惜哉最是毫釐差彩侯似  
動寄微微分明角勝各記暈將終或為一箭奪當  
筵主籌令難紀大白時舉出正罰此禮自古尤所  
重矍圃去留宜有別五善大抵主和容不止穿揚  
粵穿札因憶當年黠羌叛非才誤授將軍鉞帳下

貔貅十萬師力過生犀心似鉄大仁未許覆兗巢  
飭謹封垂禦侵越悍夫猛士志待聘貯填憤氣何  
由洩正值高秋天氣寒塞場霜重嚴風刮約束偏  
裨整隊兵旌旗爍電戈矛雪驅出長郊閱奇陣離  
合應麾皆有節次引精銳較絕技控弦命中無虛  
發氣豪馬健走危坡直下千尋未嘗蹙收軍校獵  
圍平原犬順人呼鷹解絀山麋衝軼犯勁矢崗兔  
奔跳迷狡穴大鵬盤空不輕搏老狐仰視肝膽裂  
駐鞍賞獲犒部曲浪瀉酒車輪染血將軍未酣象

心醉耳後風生鼻頭熱此日淮藩奉寬詔朱輪慢  
輶行春轍鈴索聲沉訟牒稀優游大司養跡拙斜  
蒿青青鱗鱗新公醪香重醅才撥射堂對客且相  
娛不妨樂事陶嘉月襟懷聊與水雲閑夢魂猶寄  
閔山濶逢辰未立赫然勳破的求功真瑣屑欲得  
心如外貌歡報國之誠盡摠豁

### 廣陵大雪

淮南常歲冬猶燠今年陰沴何嚴酷黑雲漫天一  
月昏大雪飛揚平壓屋風力軒號助其勢擺撼琳

琅摧凍木通宵徹晝不暫停堆積棹臺滿溪谷有  
時造出可憐態柳絮梨花亂紛撲乘溫變化雨聲  
來度日階庭恣淋漓幾縈寒霰不成絲驟集踈簷  
還掛瀑蟄蛙得意欲跳擲幽鷺無情成挫辱罾魚  
江叟冰透蓑賣炭野翁泥沒輻閭閻細民誠可哀  
三市不喧游手束牛衣破解突無煙餓犬聲微饑  
子哭我聞上天主時澤亦有常數滋農穀膏潤均  
於一歲中是謂年豐調玉燭此來盛冬過爾多却  
慮麥秋欠霑足太守憂民仰天祝願噓氛霾看晴



旭望晴不晴無奈何擁被醉眠頭更縮

荅袁陟節推游禪智寺

春去惜餘景偶來郊外觀蕪城千古恨一顧殊悲  
酸荒祠枕大道尚記吳城刊遠迹綠陰合水襯紅  
英殘隴麥齊若翦隨風捲波瀾罷農喜有望守臣  
心粗寬蕭疎禪智寺壞址不甚完叢花亂芍藥竹籬  
竹摧琅玕空有亭亭栢成行如筆端供帳具朝膳  
僚案成清歡小杜詩板暗樂事曾未刊乘興詣茶  
園百步登平巒摘焙試烹啜井挹零露漙午過倦

微暑堤路騰歸鞅天子憂歲旱引咎古所難列郡  
兼新詔朝夕弗敢安况此行春意問不在遊盤朝  
廷責吏治莫若久其官政和氣亦應災沴無由干  
願循三載舊庶幾酬素餐

和袁陟節推龍興寺芍藥

廣陵芍藥真奇羨名與洛花相上下洛花年來品  
格卑所在隨人趣高價接頭着處騁新妍輕去本  
根無顧藉不論姚花學魏花只供俗目陪妖冶廣  
陵之花性絕高得地不移歸造化大豪大力或強

遷費盡擁 培無艷冶東君固是花之主千苞萬  
萼從榮謝似嬌東君沈愛心枉殺春風不肯嫁遂  
令天下走香名髣髴丹青競誇詫以此楊花較浴  
花自合楊花推定霸其間絕色可粗陳天工着意  
誠堪訝仙家冠子鏤紅雲金線粧治平無匹亞旋  
心體弱不勝枝寶髻欹斜猶墮馬冰雪肌膚一纈  
斑新試守宮明似赭雙頭兩兩最多情象物更呈  
鞞面密樓子亭亭欠姿媚特有怪狀堪圖寫見者  
方知畫不真未見直疑傳者詐前賢大欲巧賦詠

片言未出心先怕天上人間少甚比不似餘芳資  
假借我來淮海涉三春三訪龍興舊僧舍問得龍  
興好事僧每歲看承不敢暇後園栽植雖甚蕃及  
見花成由取捨出群標致必驚人方從矮壇臨大  
厦客來只見軒檻前國艷天姿相照射因知靈種  
本自然須憑精識能陶冶君子果有香材心請視  
維揚種花者

歲早晚雨

慶曆丙戌夏旱氣蒸如焚行路盡嬰暍居人猶中

瘟隨鳥不收，啄游魚幾爛。鱗締絡亦難御，更值成  
雷蚊驕陽，斷雨脉焦熬。逾五旬農，膝坐耗裂縱橫。  
龜灼文衆目，血圻背日睇。西郊雲守臣，卹民病心  
亂千絲。焚祈龍割舒，雁縱陰開北門古法，久弗驗。  
群祠益致勤，徧走于境內。神兮若不聞，或時得沾  
灑濛。才濕塵豐年望，既絕節候，俄秋兮忽爾降。  
大澍霄冥連，日昏垂空狀。戰戰入雷，疑傾盆禾田  
十九死，強漬枯槁根。蕭稂賤易活，勢茂如逢春。蛙  
黽渴易滿，泥躍嬉成群。濟物乃容易，庶時何艱辛。

輟斲骨已壞，徐激西江津。谷黍霜已厚，始調郢律  
溫天氣，孰可問對之空氣吞。

喜雪答趙宗道學士

去年大雪如山積，今年大旱千里赤。凍民虛死麥  
實少，稻子空乾無一穫。陰陽之沴已過差，物理固  
知當反極。入冬和氣漸融，怡霈澤時時蘇。土脉廣  
莫朝來一陣寒，變作雪花紛亂杳。瓊樹瑤臺豁眼  
明，直疑快到神仙宅。城中喜色粲歡聲，併在高樓  
歌舞席。老農視之咲，復啼大言累歲遭凶厄。纒下

種時雨雪多禾稼欲成無一滴此回須有豐登兆  
未信天公真愛惜大守聞之亦慘顏造化誠哉非  
易測但願天意悔前禍豈使吾民常戚戚

### 閱古堂

仲尼大聖人文武亦云學況其下者乎而不事龍  
珠伊予之逢辰進本任愚樸今辱寄中山地重扼  
幽朔日懼不克堪謬上所揀擢古之良守帥功業  
甚竒卓思以救空踈志慕極堅確後圃新吾堂左  
右謹圖摸公餘時縱觀大可傲齷々奔雷發聾聵

皎日破昏濁苟能奉規矩曷愧大匠斲或此賢賓  
僚指顧便揚摧四座企清風耳目外優樂予好虛  
名哉事實出誠慙庶幾得消塵聊以助海嶽唯有  
大忠心不在先覺覺

### 衆春園

中山雄北邊地得要害扼烽警昔未徹民日困兵  
革一從無事來歷祀且半百戈矛既錢鏹比屋遂  
仁宅人生亦自勞營業鮮暇隙誠哉百日勤固願  
一日適為政本人情三代所不易漢吏稱循良在

宣布恩澤茲吾治廢園大揭衆春額庶乎時節遊  
使見太平迹園中何所有風物雅具籍方塘百畝  
餘遙泓逗寒碧虛亭跨彩橋孤嶼聳幽石環堤柳  
萬株無時張翠纒移得江南天不覺萬里隔芳林  
灼灼花次第錦繡坊三春爛熳時爲民開宴席觀  
者如堵牆士女雜城陌野態得天真靚粧非俗格  
惟意任所知去來何絡繹多歡知有今勝致駭非  
昔如登老氏臺懷抱罔不釋既以休吾民又足奉  
嘉客清暑暨涼秋池景尤可惜紅蕖四照香風送

入締綌乘興命輕舟縱賞緩撐刺芳餌須鱸資綠  
房欣手摘就飲圓荷中一當數大白時見群鷗飛  
驚比紅袖拍獻酬如未快申令喜相搦或見大敵  
怯便可遺中惘酣戰方氣振平俄景忽曠夕人笑  
山公歸酪酏倒中憤誰知酪酏心自有制勝策

覽資政富公新詩

賢輔于朝廷中外唯所用中則翊萬樞天業日以  
重外則奉一方君治亦云若公今得淮康大厦鞅  
隆棟惠政聊一施萬室絕愁痛獄訟不復煩甘脆

誠足奉優游為文章六氣本規諷長篇燦巨軸郵  
驛邈見送發函捧瓊瑰再拜喜吟誦高調既古雅  
竒格復豪縱鈞天張廣樂累夕駭俗憂宛馬歷夷  
途萬里不可控李杜若復生屈伏事非諷况夫淺  
淺深固莫測源洞何時袞衣歸瞻望慰民衆事業  
追夔龍風烈陋姚宋日賡元首歌間助薰琴弄太  
平告成功刻廟形嘉頌九奏人神和舞獸而儀鳳  
休聞狼跋詩萬世發長嘯

謝資政富公再以述詩見寄

惟公之所存致后協二典當入相天子賢業遂大  
展萬類隨坏陶四時無盤舛如何守一藩疾甚斥  
和庸遂令康濟功鬱抑未恢顯寄懷吟咏間唯以  
道自遣公才如河源渾渾日東演浩濤奔巨海萬  
里縱傾卷山哉西北流孰可議深淺公思如天匠  
春物歸裁剗玲叢粵竒葩萬態極婉孌一一得天  
真做象因彫剪河源無時窮天匠非出辨胡為每  
成編遂以貺罷輒裸壤本無知安足道文冕俚耳  
固不通身用奏姑洗我實知公心愛我久益腴誘

我進學勤要在納諸善我素荷公德公教敢不踐  
諷誦復宗師夙夜以自勉

苦熱

皇祐辛卯夏六月朔伏暑始伏之七日大熱極矣  
苦赫日燒扶桑焰一指亭午陽身自焦鏗垂翅不  
西舉炎翻四海波天地入烹煑蛟龍窟潭穴汗喘  
不敢兩雷神抱椽逃不顧車裂鼓豈無堂室深氣  
鬱如炊釜豈無臺榭高風毒如遭蠱直疑萬類繁  
盡欲變僂脯嘗聞崑閬間別有神仙宇雷散滌煩

襟玉漿清濁腑吾欲飛而往於義不獨處安得世  
上人同日生毛羽

後園寒步

如何天地舉寒令獨將殺氣凌邊遐公園跬步亦  
難往試來舉目成吁嗟長空黯淡作愁色日光似  
透雲還遮朔風刮面不吹雪徒擾萬竅掀黃沙困  
中索寞不可狀唯視衆木攢枯槎如有漢將廟行  
陣遠涉大漠平蕃家貔貅凍列樹營壁巨矛長戟  
何交加老松一二柯葉在外皮皴裂埋殭蛇幽禽

聲好久絕聽孤城遠近號飢鷄齋中酒熟忍自酌  
幾何貧戶無織麻官持權用意惡直欲萬類殲  
陰邪窮嚴極裂勢未已不知泉底生陽牙

臘日出獵近郊

悲風吼林霜草白殺氣稜稜慘空碧因暇講事此  
其時況值嘉平農已隙暫整和門出近郊獵獵旌  
旗原燒赤符場一望天四垂貔虎意豪猶恨窄報  
動圍開翼後箕人知部分如刀割飛走竄伏不得  
暇校免幸生徒奮擲饑鷹眼捷翅頭健下韝風發

無虛擗鵲拳交擊或未什繼喉韓盧追以咋忽穿  
叢薄失所捕耻焉便縱摩霄翻不似寒鷗得腐鼠  
傲然直視鷄雛嚇烏鷄鵲雉曷足數亦有晨風競  
搜索其間駭獸欬凌突悍卒爭趨矜手格前驅反  
旆弗及舍丘山大季虜中獲翻車馮酒犒士衆萬  
刃到肉恣燔炙塞防寓令豈徒然不在詩人刺荒  
瘠王者設官猶取衆大姦宥楮許擒扼乘時廢職  
莫自效勿謂鷲鳥無全策別有老狐智計巧只就  
高城營窟宅疑冰識板行步穩此日胡由見踪跡



鵬兮鵬兮未得志將軍憤懣如何釋

病鶴貽劉勗

塵寰病思苦仙府歸魂勞  
秃翼敗風霖早棲掩蓬蒿  
池圃擯時玩雜鳧豈吾曹  
誰知牢落心萬里孤雲高

示直彥

人惟萬物靈各肖天地貌  
中人無賢愚在稟父師教  
稟則道業成奮躍出泥淖  
不稟墜素風陷身于不孝  
汝父最汝憐五歲入學校  
文采藝日彰謂如

隱霧豹不見汝成人  
齋恨掩泉寤汝兮胡不思  
先矩勉而做奈何一夕眠  
乃至已午覺開口受飲食  
摩腹混笑開四體遂吾懶  
萬事絕掛撓習焉而忘  
返紈綺事不較高秋八月  
涼蛟僕罷蒙罩燃膏繼  
晝景著撻勤節抄詔舉有  
前期富貴孰不樂忍指  
卿相科井坐閱醢醢

韓魏公集卷之二

宋韓琦稚圭著

明康丕揚士遇校

詩

謝宮師杜公寄惠草書

公之德業天下重四海萬物思坏鑪太平之策未  
全發先朝請老叩帝居天子只欲勵薄俗不惜一  
夔從二跡公持儉節出天性下逮萬世清風孤  
歸卜睢陽旋營第棟宇僅足容妻孥自此閭燕何所

樂非絲非竹非歌壺經史日學聖賢遇參以吟詠  
為自娛興來弄翰尤得意真楷之外精草書因書  
乞得字數幅伯英肌肉羲之骨字體真渾遠到古  
神馬初見八卦圖精神熠々欲飛動鸞鳳鼓舞龍  
蛇攄天姿瘦硬乍俗軟在藤束纏巖松枯中含婉  
媚更可愛千葩萬萼爭春敷開合向背一皆好造  
化欲銜天工夫張旭雖顛懷素逸較以年力非公  
徒公今眉壽俯八十老筆勁健自古無固知大賢  
不世出百福來萃相所扶公之佳壻蘇子美得公

一二名已沾於奇特雋頗自放質之公法慙豪庶  
乘歡捧以示僚屬一坐聳駭歎且呼便欲刻石傳  
不朽荒邊匹拙無人模滯來一一戒兒姪祕重世  
與家謀俱重巾密橐寘吾室寶護直比驪領珠神  
物孰敢容易探電電霹靂來須臾

### 遊開化寺

開化得地勝崇俊何代作金山鑿佛身萬木亘高  
閣突然數百尺較力陋禹鑿峯巒翠環合興寺為  
郭郭煙霞無四時為我張去幄幙飛泉乘空來直

在庭砌落松栢森成行。鬪狀蛟龍惡。如整萬人陣。  
偏伍不敢錯。春芳難悉名。紅紫競灼灼。點綴巖壁  
間。圖畫曾未若。距城纔一舍。曠絕類霄堦。噫。吾何  
自勞。日窘吏事縛。到官踰二朞。未克造林壑。引疾  
得鄉邦。晝錦行。遂著猛拋公。几煩不負真境約。精  
廬始一登。百慮已澄擴。徘徊延賓僚。開席盛燕酌。  
歌留嶺上雲。吹亂風前鐸。勿譏清賞累。粗繼東山  
樂。數刻方暫歡。俄景忽西薄。歸鞅下危岑。眷戀心  
欲却。何處無林泉。隔閩牽寵爵。終期報回家。功業  
效涓勺。連露乞骸章。不待七十削。歸來解朝紳。放  
意任衡霍。超然出世紛。安步適沖漠。山蔬充盤筵。  
村釀滿瓢杓。吾壽此其全。何必不死藥。

再賦

茅山崦裏藏禪宮。朝蒼暮翠嵐光濃。枯松老栢競  
醜怪。危巒峻嶺相彌縫。劔峽路岐唯少棧。榆閤氣  
象全無焯。恩深報淺來未得。暫留金節開塵容。

晉祠魚池

女郎祠下池。清瑩薄山脚。游鱗明鑑中。素恃神可

託羣嬉不畏人似得天真樂祠者常見憐投食任  
爭緙且疑神佑之縱嘆安敢摸達者時公壤美贍  
陷烹斫神乎所保扶未免挫陰惡何如致君人其  
道本宏博天下日唐虞聲教盡薰灼推此及微類  
魚蟹得咸若

難老泉

晉源發濫觴勃勃漲春綠泓然一鑑開俯視神意  
肅游儻何大繁戢戢開如粥身能污吾清更足示  
容蓄中或起蛟龍威怒鼓天福膏澤被九區靈德  
潛山麓平時任踪達所存終海瀆常豐沃稻梁餘  
潤露花木伊予臨此泉自得仁人勗奚專智者心  
犇走無停躅

甲午中秋夜不見月

中秋待月高樓上浮雲妬明逞頑黑姮娥積貯一  
歲光欲放天下不可得今夕實整天下望未必舉  
世羅遮塞歡明感暗一時偏不咎天雲所職告  
問雲兮尔無心胡為動與人相賊歲早不能含雨  
來翻於此夜濃如子吾欲獨伏倚天釵上決重陰

走務慝空中奪出黃金盤萬寓澄然同一色

病中望雪

日日顛風噴病枕曾無片雲飛虛空方嗟大疾被  
囚縛敢請上帝前民豐人曠衰翁略外事心存衆  
瘼能寬中紛々盈尺諒且久和霽迎得春融々

離并州至晉祠次韻荅宜徽富公

公名傑出天下賢終身師慕常顛顛十年一箇數  
日別行行不忍移歸軒剛勝出淚收還注感公知  
已難違去黃昏病作宿荒城離緒不堪紛似雨

塗次荅宜徽富公書意

臨并踰二暮病感居其半雖以志自劬精識奈耗  
亂故於一道事十去七不幹貪權莫即辭罪大孰  
可道納節求本邦所幸脫誅竄君仁惻至誠亟俾  
賢者摛粵公同心人金固甚利斷安然解印歸萬  
喜無一愧為別信宿來書日慰愚懦張瑟久不調  
易調猶未斷非才辱公知處道誠一貫至於措置  
間在理有殊判不當牽以私經畫謬遠笑願公新  
政條布若星日燦官遣者剗除垢俗者滌浣使茲

全晉民比屋競聳觀僕遠聞公為省過安敢憚雖  
有好事徒議論惡得聞

畫錦堂

古人之富貴貴歸本郡縣譬若衣錦遊白晝自光  
絢不則如夜行雖麗胡由見事累載方冊今復著  
俚諺或紆太守章或擁使者傳歌樵忘故窮滌器  
掩前賤所得快恩仇愛惡任驕相其志止于此士  
固不足羨茲予來舊邦意弗在矜衒以疾而量力  
懼莫稱方面抗表納金節假守冀鄉便帝曰其汝

俞建燾往臨殿行路不云非觀歎溢郊甸病軀諧  
少休先隴遂完繕歲時存父老伏臘潔親薦恩榮  
孰與偕衰省愧獨擅公餘新此堂夫豈事飲燕亦  
非張羨名輕薄詫紳弁重祿許安閑顧已常兢戰  
庶一視題榜則念報主眷汝報能何為進道確無  
倦忠義聳大節匪石身可轉雖前有鼎鑊死耳誓  
不變丹誠難悉陳感注對筆硯

康樂園

惟人生多艱康世豈易偶服業罔不勤樂事豈常

有朝家恩澤寬宣布在封守體民當有時使得遂  
仁壽時而無所適是不守之咎相署雖有園狹陋  
日已久州人歲節遊若度一窗口至則無足觀疊  
跡但虛走遂令歡賞心歸去成煩嘔自圃隔牙城  
廣袤半百畝我來闢而通高戶敞軒牖其中完廢  
臺雄壯卑培墟城野四望間萬景如在手跡池育  
蓮芰表道植楊柳蔓壤悉反作平聲除桃李換葱韭  
成時寒食春觀者惟恐後人一變壅閑曠若在郊  
藪或相攜以歌或相醉以酒知為太平民歎詔競

聚首曰非時之康還得此樂不予因揚是名命意  
安敢苟凡茲屏翰賢一境實父母必與衆同樂斯  
地肯藜藿作詩告來者庶可傳不朽

### 休逸臺

牙城之北即大圃中有廢臺名抱螺基圓有道盤  
屈上故以螺目義匪他當時興者擇地審氣象爽  
塏形勢多今如孤塚但荆棘不知隳壤年幾何背  
城人迹既罕到往往滿歲無一過我來侵圃治兵  
庫得披榛莽登巍峩襟懷豁若出塵外四視天末



窮暹羅滿城風物聚掌上紅芳綠樹明交柯太行  
之下不可數萬峯起落如翻波北來州域盡平地  
孰若舊鄴襟山河此為遊覽最佳處遂施春華完  
陂陀臺頭結宇尚簡朴臺面甃甃嚴鑄磨翹宮水  
井久埋沒鐵梁有四淪耕禾精剛之質不少動俚  
俗傳說鄴妖訛云有神物常默護守令千百無敢  
拖我憐古物輦而至為臺之柱植四阿州人聞至  
極驚異就臺觀者肩相摩榜以休逸豈獨尚粵衆  
共樂乘春和主人間復命賓酌樽前隨分絃且歌  
病來飲粵直衰淺獻酬勉強顏須駝退嘗內省爾  
何德爾來自逸人譏訶反思吾本任忠義日不作  
偏心無煩君恩至厚假鄉守正宜休此袪餘病疴  
孱報國未能奮慨然倚檻空長哦

蒼章望之祕校惠詩求古瓦硯

魏宮之廢知幾春其間萬事成埃塵唯有昭陽殿  
瓦不可壞埋沒曠野迷荒榛陶甄之法世莫得但  
貴羨璞踰方珉數百年來取為硯墨光爛發波成  
輪求之日盛得日少片材無異圭璧珍巧工迤歲

知衆寶雜以假偽規錢緡頭方面凸，槩難別千百  
未有三二真我來本邦責勸令朝搜暮索勞精神  
遺基壞地徧刊窟始獲一瓦全元淳薜斑着骨尚  
乾翠夜雨點漬痕如新當時此復近簷溜印以篆  
字花甚層磨龔累日喜成就要完舊質知無倫昔  
才寡陋不足稱思與好古能文人好古能文今者  
誰或寧祕書章表民無詩尚欲兩手拊何況大雅  
之奏聞鏗純

答陳舜俞推官惠詩求金瓦古硯

鄴宮廢瓦埋荒草取之爲硯成堅好求者如麻幾  
百年宜乎今日難搜討吾邦匠巧世其業能辨壞  
竒幻而老隨材就器固不遺大則梁棟細琴檠必  
須完者始稱珍何殊巨海尋三島荆人之璧尚有  
瑕夏后之璜豈無考況乎此物出坏陶千耕萬斲  
常翻攪吾今所得不專全祕若英瑤藉文縑君詩  
苦擇未如意持贈只虞嘆絕倒君不見鎮圭尺二  
瑁四寸大小雖異皆君寶

觀胡九齡員外畫牛

丹青之筆奪造化能者幾何登品錄蛟龍儻惡鬼  
神怒更工不接時人目有形之物至者稀是否難  
斯衆所矚絳臺胡掾文章外偏向畫牛其好酷海  
內馳名三十年得者珍藏適金玉夫來纔始着青  
衫養親不及朝家綠前日野服忽相過云訪恩知  
走京轍微風入指未能畫示我蠟本數十幅採摭  
諸家百餘狀毫端古意多含蓄闕者取力全在角  
臥者稱身全在腹立者鬣鬣精神慢背者分數頭  
項促行者動作皆得羣乳者顧視真憐犢當流泗

戲益自在欲渡或疑猶蓄縮從容飲齧得天真荷  
鞭時有童兒牧或橫一笛坐牛背便是無聲大平  
曲江天雨雪易溟濛風勢掀號摧古木欹斜藁笠  
趁牛歸蕭疎暮景煙村宿竒哉胡掾老筆不可到  
戴叟重生須死伏吾觀諸牛之態雖盡妙尚有所  
遺思未熟牛於生民功最大不畫牛功牛亦辱胡  
君胡君聽我言別選輕綃成巨軸寫出區々耒耜  
勤貴知天下由吾方食足

中秋對月送姚闡教授南歸

去歲中秋安帥并今歲中秋病守相并筵極口詈  
浮雲終夕蟾光被遮障相臺此夜天如水露壓涼  
風秋氣王有容軒然襟義高直自睢陽來一訪相  
與僚賢共茲賞坐看玉輪從海上皓色疑專白帝  
權晴舒萬寓俱澄曠斜漢昭回列緯繁收縮精神  
身敢放有如大臣得時用王化恢宣賢業暢千官  
載伏任施設默默坏陶從巧匠金波漸轉落金樽  
酒色映空寒動蕩一霄清景換塵寰自得詩人難  
擬狀時揮大白日嬋娟意入杏寫搜絕唱勿嗤  
圃陋吾邦吾樂不知崑與閩人生聚散固難必明  
年此會知何向相逢對月復開懷詩筆闌豪杯鬪  
量不然千里起相思百尺樓高同一望

喜雪

臣和乙未夏二麥死大旱秋田不下種熬然六月  
半天意忽垂惻滂澤遂瀰漫九穀飽甘滋時苦被  
溉灌一變大有年農藉脫逋竄既豐復不雨累月  
病乾曠驕陽發仲冬溫氣襲閭閻歛輸誠無艱瘡  
癘恐莫遣何期日至前風怒陰不散吹開古出花

空際日凌亂徐<sup>徐</sup>失埃氛稍稍重枚幹移時平瓦  
隴速夕沒田畔雖下不及尺近歲亦稀看瑞謀宜  
首書他物身足冠始寤天之神俾下不可靠小民  
徒然咨一顧回化難君子當信天夷險存大觀惠  
姦豈固然福善終冥判吾喜開吾樽對客考歡歎  
一病久誠飲當席由吾斷引滿且酣歌輕瀟談間  
杆未必不月此反得據吾患

別鎮陽監倉陳薦祕丞

一紀帥三垂待士教不至推誠以求應百不得一  
二序升其應者所應由道義幕中六七年始卒無  
少異嚴霜摧萬木老栢彌蒼翠烈火熾三日良玉  
自溫粹奉親不可留含笑就季吏須代處洛邑潔  
羞勤以遂我病來相臺去客無所覲序升兩見過  
顧舊不顧利言別之遠官駑櫪飼駉驪啼齧慎勿  
較所因非吾類自古賢者為爭免不肯忌坐待天  
衢亨萬里觀騰轡

寒食親拜二墳因誡子姪

春色清且明節盛一百五寒食遵<sup>通</sup>俗洛火霽微

兩非才忝國恩因病得吾土何以知殊榮此日奉  
宗祖新字惟皇考豐字則王父松楸各萬株崗勢  
擁城府二瑩相去間近止一舍許前曉揭旌牙獨  
潔具壘俎芬馨達孝誠優若侍容詔禮成無一違  
觀者競墻堵追惟愚小子未老膺旄斧顧已胡能  
然世德大門戶思為後嗣誠永永著家矩子姪聽  
吾言汝各志心膂汝曹生綺紈得仕匪難苦學業  
勤則成富貴汝自取仁睦周吾親忠義報吾主間  
須求便官墳隴善完補死則託二瑩慎勿葬他所  
得從祖考游魂魄自寧處無惑葵師言背親圖福  
祐有一廢吾言汝行則夷虜宗族正其眾聲伐可  
鳴鼓宗族不繩之鬼得而誅汝

初赴早朝

踈星掛闕角落月含輕雲兀兀馬上身叱叱馬前  
人瘦骨峻秋霜病瞳昏陌塵自顧爾空空胡以裨  
吾君

次韻荅子淵學士

憶昔明道初窮冬晝短晝給札金鑾坡孤拙並鬣

秀諸公名世才奮筆若神佑英辭亦見收聖造等  
天覆子淵親契深實出同試右自茲接珍羣軒翼  
翀紫宙忠義必相勉權利孰肯就洞照無隱情膏  
臆爛辰宿宦路有亨塞切竊愧鄙陋何時聚德星  
一慰荀陳舊

寄題西京致政張郎中靜居院

休官得享閑理因居處靜中或不自違觸物撓天  
性遂令優游心反致寂寞病二川有春英識豈斯  
人並周才當要識義譽著羣聽氣體殊未衰援禮

請還政安車得西歸蕪沒治三徑蕭然絕世俗日  
以道自勝以靜名厥居內外了相稱君懷本清虛  
復此林泉瑩君道本和樂況有琴樽命新堂闢四  
隅立意尤高迥完之四堂有夷心會  
真清白金蘭之目夷襟造真境

友益具子令藥品稽神仙門法尚忠正肌膚松菊  
香君解松菊  
已如故云庭砌芝蘭盛天宜錫難老以示君子

慶予亦希君者語寵竊機柄無裨紫極尊劬有赤  
松輿報回荀鎚銖竄身違陷穽雅志吁未諧高山  
徒景行

榮歸堂

非才忝叨鄰待罪涉一紀妨賢得云久不返不自  
耻永厚復土初疊奏祀斧辰乞身臨本邦多疾便  
攝理帝曰吁汝琦輔翼甚筭止今俾爾榮歸揭節  
治故里均逸向盛辰寵畧固絕擬整裝將比轅羗  
轡兆西鄙俄易帥咸泰盱食詢所倚艱難惡敢辭  
奔走奉寄季天聲方震揚狡宄懼夷毀款塞械凶

首唯幸赦在詭彊事計日寧拙疹乘衰起披誠叩  
上仁再遂守桑梓疴疲解劇煩寧息良自喜園池  
昔恢拓顧覽畫遺軌獨於北塘北地勝失經始前  
人歆興作就此創基址中輟如有待命我成斯羨  
鳩材亟僣功因陋僅增後芳林環密陰鯨口下洹  
水吾堂搆其陽萬象來明煇匪直怡病襟間足具  
賓筵僚屬請吾名在景或在已吾謂夸風光未若  
尊制旨視勝以思報義實畫錦比或笑此翁愚榮  
極尚不已知閭得甞休胡自勤勤耳告曰勤雖愚



吾慮亦長矣天地施大恩報上盡蟻蟻終期謝貴  
仕歸第保顏齒吾舍學公居相去百舉跬豈無賢  
太守有意待園綺安車時一來為我此加禮

謝并帥王仲儀端明惠葡萄酒

并門昔歲叨擁旄公厨酒熟醺葡萄公時帥涓輒  
馳獻助臨軍亨投芳醪辱公詩答極愛重氣尚雅  
徒陵風騷公今大鹵盛開府我得知守均疲勞却  
煩新釀達相遺故人義比丘山高衰翁拜賜喜自  
酌持杯有感生懣陶憶昨荆邊被朝寄亭燧滅警

兵鋒韜時平會敷景物好齒髮未老胸襟豪當筵  
引滿角勝負金缸灑溢翻紅濤間折圓荷代舉酌  
坐客皆去如奔逃我乘餘勇興尚逸直欲拍浮騰  
巨艘比來病質極枯瘠兩目眇淚顛無毛較前飲  
量後何有十分耗謝餘釐毫復嬰風眩戒食味噉  
口絕望霑珍螯雖然公醞敢輕用留吞藥劑傾甘  
膏縱逢嘉客銜公貺三爵已命緘封牢錦堂風和  
弄弱柳螺榭日暖烘炙桃茲辰慶我重加惠勉學  
父老同春遨

安正堂

公居胡葦為非事土木盛湫陋必氣鬱爽壇則神  
瑩全魏今別都地總北道勝輶傳既旁午牒訴亦  
紛競惟日過目前豈暇圖休靜因仍府舍間敞壞  
殊不稱茲余忝帥守上責賦荒政無術濟饑源感  
速頌仁聖連書大有年愁感變謳詠漸舒綏集筭  
獲治淹痼病願生擇所宜寧息務清迥乘閑新此  
堂庶用安吾正汝正果何如自得本天性進特伏  
孤忠退免全剛勁內確信吾守外一歸諸命安然  
而處思吾宇甚恭定詩酒延嘉賓二戰或酣管筮  
歌樂良辰高郢下滌鄭射圃夾羣芳角妙資豪興  
所適敢專享意實在遐曼繼來皆鉅公同調決相  
應從容坐鎮餘浩氣端而挺將寧道德淵諒老欣  
詠詠知不廢吾堂是以前慶

善養堂

金銅飾巨扉其上覆高屋青石鑿雙轍其下走彫  
轂東西翼危墉陰以扞攻觸自昔藩鎮強尚此存  
遺躅後守管厥居渾擬苦迫促余來亦患之重改

敢輕速會茲歲月深朽敗鮮完本一旦忽傾摧僭  
迹鉅可復余得矯前為命徒墮舊華堂皇遂延衰  
興寢適涼燠廊廡悉舒明瞻望快耳目移構成廣  
厦面勢壓平陸既忘登陟勞又遠顛躋辱外特延  
賓僚內足燕親族乘閑娛詩書遇節振絲竹願真  
興放懷動靜獲所欲於氣貴能養在禮思無瀆侯  
邦謹法度是克綏遐福踰制苟幸免更久猶追戮  
吾居已絕嫌道義斯同旨

孫賁書記以齊安舊文為示感而成詠

余兄天聖中尚抑齊安守余遭所生憂得歸侍左  
右孤糶獲苟存朝夕賴誨誘兄材無不宜吏治孰  
可偶公庭常寂然所樂在文酒臨江三四樓次第  
壓城首山光拂軒檻波影撼窻牖原鴿款集間萬  
景皆吾有兄詩豪且奇氣燄摩星斗優游預賡和  
惟自媿荒醜于今四十年日月甚奔走當時相聚  
者十已喪八九嘗作春亭記烏敢示不朽孫君里  
中來云亭廢亦久徒有舊文在况足失其手兄後  
見曾孫第老成衰叟一身雖寵榮百慮鎮紛糾何

如昔日歡投泣念愛友

開泉

先瑩東北隅有泉勃而出奔跳若鬩鼎萬眼沸不  
一始雖稍泓澄漸乃肆洶瀾吾嘗展祀餘愛玩必  
終日爰從大旱來數歲竭如室傷哉利澤源頌爾  
藏於密吾今具畚鍤試欲疏潛窟開無數尺間舊  
脉俄騰溢涓涓力尚微勢已舒沈鬱我願天道常  
不使五行失均調四氣和寒燠皆從律宣其潤下  
功復得霑羣物

虛心堂會陳龍圖

余嘗愛此君中虛外有節手植數年間萬戟競森  
列為堂於其中一境遂清絕雖歸臨本邦事豈免  
羈紲不得時相親固負好風月方將乞殘骸就第  
養衰拙孤懷造崑閩直氣卷金鉞終日對嬋娟卒  
歲伴高潔春來伴芳菲夏至失炎熱秋深凌嚴霜  
冬暮映積雪居無一不宜嘯傲遠塵媒茲樂期誰  
同實係長者輟相從挹天真若話到禪悅簪籜豸  
冠聳拉筍犀株折乘醉卧踈影敲玉應仙闕此志

吁未遂對酒勿輕別

醉白堂

蕘老新成池上堂因憶樂夫池上篇樂夫先識勇  
退早凜々萬世清風傳古人中求尚難擬自顧愚  
者孰可肩但舉當時池上物媿今之有殊未全池  
東無廩貯餘粟池西無亭揮五絃中無高橋跨三  
島下壓鼇背浮清漣其間合奏散序者童妓百指  
皆嬋娟平無三石展湘簟靜無雙鶴翹丁仙雅無  
吳郡青版舫游泛安便牢且堅吾今謀退亦易足

池南大屋藏羣編一車豈若萬籍富子孫得以精  
覃研夾堂修竹抱幽翠森々擁檻竿逾千池中所  
出粗可愛芡盤菱角紅白蓮芍藥多名來江都牡  
丹絕艷移洛川及時花發池左右香苞爛滌朝霞  
鮮蕘老于此興不淺間會賓屬陳芳筵妖妍姬侍  
目嘉卉呶啞絲竹聽平添泉宜城釀法亦云羨詩  
酒僅可追前賢狂吟氣健薄霄漢豪飲體放忘貂  
蟬酒酣陶々睡席上醉知何有但浩然人生所適  
貴自適斯適豈畧自樂夫未能得謝已如此得謝

吾樂知誰先

戊申臘寒

朔風吹苦寒  
近歲省未有  
重裘不可禦  
凍袖敢出手  
初嚴刮面層  
漸虐搖臂肘  
終難凌壯肌  
殊易挫衰朽  
持觴欲為敵  
病冒怯戰酒  
茵疇通作冰  
強卧安得久  
擁鼻反收吟  
其孰噤汝口  
何心窺園池  
銳意墜戶牖  
添庸方滿塗  
天不念黔首  
吁嗟卒無奈  
默坐等五九

韓魏公集卷之三

韓琦雅圭著

康丕揚士選校

詩

龍

育德知何宅  
逢辰或見靈  
配乾雖有象  
作解本無形  
泱物周寰宇  
遺功在杳冥  
丹青如可狀  
試下葉公庭

鳳

破卯應難至聞韶定有儀去同君子道來協聖人  
期苑竹多成實宮栱幾換枝何時天閣上巢可俯  
而窺

次韻和春卿學士早春

雪霽春來極目心遠眉新黛破遙岑風傳花信催  
寒晚烟染柳姿隨日春酒羨好陪遊騎鬪桃香誰  
待此門尋歡期未集芳辰在客對慵鋪簡字金

明鑄學士領漕益州

忠臣重此過邛邛經計才優帝命詣縣擘清塵資  
遠撫史彤佟職峻榮階蜀天星入人先候劔路銘  
昏蘚半埋錦里萬家迎使旆壺漿應釋去思懷

次韻和子淵學士春雨

天暮沉沉淑氣溫雨絲輕軟墜雲根洗開春色無  
多潤染盡花光不見痕寂寞畫樓和夢鎖依微芳  
樹過人昏堂虛座密珠簾下試問淳于醉幾樽

周沆著作宰秀州嘉禾

底身名邑得嘉禾銅墨猶嗟滯俊科前席未期宣

室召聞絃還繼武城歌酒旂穿柳春堤迥與艇藏  
花夕唱和對此不帶披縣譜且求新句解詩魔

叔平學士知青州

厭直圖書府思為海岱州郡符分竹使親膳潔蘭  
羞文石輸忠密仙山進職優過家門納駟卜地隴  
眠牛暮靄凌羈玉朝暎艷戟油恩寬數漢札政善  
治齊謳水際春芳盛尊中客醞浮物饒三版麗居  
樂五民游松鬣低容享峯螺翠入樺行聞西掖召  
真賞莫淹留

館直二闋

玉山岑寂雪花乾僊掌風高露未溥自笑曼都凡  
格在一霄無奈月邊寒

章溝傳漏過三更霜壓寒威特地生苦恨回環牕  
外鐸幾番幽夢不教成

張唐卿狀元通判陝府

發策無雙動紫宸班條新貳兩朱輪宵冥僊桂天  
香重蔽芾甘棠俗化醇駟馬同榮歸蜀道二龍齊  
躍出雲津前期丹禁細翔地風沼波平藥樹春



和春卿學士柳枝詞五闋

樓前輕雪未全銷  
偷得春光入嫩條  
似向東風猶綽約  
可能渾忘舞時腰

陌閑宮古綠烟迷  
惹盡春愁因拂堤  
却為多情足離恨  
故教溝水亦東西

章街風曉起新眠  
寒食輕陰未雨天  
夢限青絲拂遊騎  
一生芳意負金鞭

淡烟輕日簇誰家  
微出青旗一帶斜  
對景似嫌春意老  
更搖疎影掃殘花

畫橋南北水連天  
繞聽鶯聲又晚蟬  
長使離魂容易斷  
春風秋月自依然

和春卿學士上元罷燈

絲竹沉聲月泛波  
警宵方喜罷誰何  
樓深酒密客留易  
路遠香殘人去多  
寒燭倚蓮猶結淚  
澹雲歸隴不停歌  
那知夢穩瀛州上  
正是釣天九奏和

館宿開宮中奏樂

次韻酬子淵學士燈久不出聞諸公繼有遊

賞

繁聲沉夕籟香燭競春葩玉射樓前雪雷驚陌上  
車月閣花院掩風軟酒帘斜莫駐城南騎遊人自  
有家

和遠卿學士雪霽登秘閣

曉來延閣步層梯春色周圍一望低殘雪半留珠  
殿北非烟長護綺窓西西即寢路幽情自逐歸鴻斷芳  
意還因遠樹迷金匱有書猶未見秘封香篆鎖芝

泥

上已前與同志衍文舍出郊過金明池

天波新綠染成春波面輕風起細鱗隔岸鳥聲低  
弄曲出墻艷遠含嘯柳經傷別還多緒鷗為忘  
機不避人三月偷遊僊署友肯思迢遞走征輪時

接伴  
層使

和春卿學士登廣文閣觀京闕之盛

層閣鬱嵒峩登臨逸意和雨餘春色動天闕夕陽  
多葦布金杯第環通壁沼波泥中足車騎應笑翟

公羅

和曼卿學士明河

太極踪靈泓長河注遠津波明動星斗氣直貫秋  
是月滿還知晦雲收不亂真何妨借餘潤膏雨及  
生民

葉冬兵部知湖州

御郡分符虎刻銀彩纓清曉別楓宸駟車歸卸  
新綬鶴表還家謝故人度日容樽盈茗酒經春詩  
筆賦汀蘋編民應久歌來暮棠樹成陰即舊隣

郡亢茂材南歸

褐衣親策對中宸三道精求素業陳履跡見穿期

仕漢璧瑕因指不留秦雲迷江樹歸鯉促翼退天  
閣容夢新好俟鄉人再推上決科優等繼平津

陳洎太博知虢州

官綬飛苓使轂丹臘天行色犯輕寒持平久奉  
刑恤宣澤新兼漢詔寬擁傳想逢闕吏歎愛棠還  
接陝民歡三堂風物應如舊公退先尋記字看

平礪寺丞河南知錄

西都為掾從征輪南浦分攜碧州春卿寺試才方  
命秩天衢飛步已逢辰洛濱修禊浮觴散水際看

蒼筤品新櫻酪有期誰芳薦由江應記並遊人

次韻和方謹書郎中再觀省中手植竹

翠影冬差漸拂塔清即從此占奇哉辭君昔為尊  
美去戀爾今同菊徑來玉聳勁枝欺暮雪繡殘文  
籜季寒苔虛心高節依然在幾見繁英落又開

寄葉未兵部

向宦心難止遺榮世所稀誰知懷綬去便作掛冠  
歸行錦方為寵裝金已盡揮官閑同吏隱身逸晦  
塵機山鶴來無怨江鷗淨不飛雨晴峯障闕秋老

繪絲肥庭玉名方遠陔蘭志暫違倚門休結戀史

筆借光輝子清臣時從注

馬尋比部兩浙堤點刑獄

東南詳讞得材臣親對天墀奉至仁舜服暫平惟  
恤典漢廷自譽不寃民園扉鞠草堤封靜高蓋容  
門令德新最好齋航初按部柳汀花瀨正逢春

陳商學士知常州

叠鼓聲喧下鷁舟書山蕭索別英游青藜照字觀  
奇廢朱雀分符錫命優霞夾身檣晴旆卷星搖漢

浦夜燈幽蓴風正熟帆無恙一色江天望處秋

得太清小檜植館中

僂檜移來近紫壇亭下將見起毫端纖枝未覺來  
風韻勁節先知度歲寒得地最宜儒館種結根須  
作棟材看願將軒竹陪蒼翠帶雪開樽助雅歡

宋任著作宰江寧深水

訊察無冤善最聞剽繁南邑遇盤根還將決獄平  
反意去作臨民撫字恩淮上月高生麗思浦前春  
老醉離魂知君陰德終陽報容駟何妨大里門

道卿學士領二浙漕賦得酒

傾釀留佳客秋亭屏使旄奉觴歸養切行筭別魂  
勞上若名鄉近長安羨價高  
清懷思酌水惠政憶  
投醪論德堪成頌評詩更助豪行聞趨節覲同我  
怨持螯却以往年不遂龍舒之行道嘗蟹形于嘲戲

再賦柳板詞二闕

曲江風暖曉陰斜翠色相宜拂鈿車自是春眠慵  
未起日高人困又飛花

葉、新長約黛蛾絲輕軟任風梭啼管便學歌

候轉知是春來舞意多

離都

已下八首接  
伴塗中作

握節背都門春天景半溫柔鞭難駐身芳草易銷  
魂遠目和煙重離懷聊酒昏好花無奈野時復映  
遙村

上巳

遠道今逢祓禊辰兩餘風物一番新等閑臨水還  
思舊取次看花便當春絮雪暖迷西苑路車雷晴  
起曲江塵臺英正釣尋芳會誰是山陰作序人

寓目

擁傳修途倦逢春旅思長遠煙含樹色細雨起塵  
香隴麥成行綠林鶯並對黃楊鞭聊自慰舉目見  
韶光

行早

脂轄行傷早揚旌興莫窮水送天色苦雲細月波  
通巧舌爭啼曉香牙盡入風縱吟殊未已初旭放  
晴紅

寒食

漢宮新蠟未開煙寒食東郊躍駿天人面映花誰  
感事客心燃火獨成篇塞鴻歸渚送書字管柳因  
風強破眠賴有目前隨分景數村和樹起鞦韆

登永濟驛樓

遠煙芳草媚斜陽蕭索郵亭一望長盡日倚欄還  
獨下綠楊風軟杏花香

塗中暑熱憶諸同舍

振野驚風拂面塵赫曦涼燥<sup>征</sup>輪酒非逃暑虛盈  
成會<sup>征</sup>未忘憂謾映人綠水已傷春別舊碧雲長

起暮愁新朝來記得瀛州夢目斷英游極愴神

聞角

古堞連雲暝靄收鳴、清調起邊樓雍琴垂淚虛  
成恨<sup>征</sup>羌笛殘梅未勝愁數曲伴風吹戍壘幾番侵  
夢入賓卸聽來便覺春心破素髮生多不待秋

雄州遇雪

已上四首  
北使日作

雲壓孤城勢漸低昏、臺榭雪霏、人遊免苑何  
妨醉使適龍沙未得歸夜館月明交素影曉塗霜  
重借嚴威風前似慰征軺意先學楊花二月飛

紫濛遇風

草白岡長暮驛賒朔風終日起平沙寒鞭易促郭  
泥躍冷袖難勝便面遮迴嶺卷回雲族破遠天吹  
入雁行斜上囊微乞緘餘怒留送歸程任擺花

使回戲成

專對慙非出使才拭圭申好斂旌回禮煩偏苦元

正拜庸延元日戶大猶輕永壽杯永壽層回元辰

南使歌枕頰無歸憂擾據鞞潛覺旅懷開明朝便

是侵星去不怕東風拂面來

過虎北口

東西層巘鬱嵯峨閉口繞容數騎過天意本將南  
北限即今天意又如何

戲題僊掌

三峯晴曉碧相挨仙掌分明出霧開莫向魏峩銜  
高手也曾先得桂枝來

題利州昭化驛

嘉陵源出本朝宗地險無因直赴東從此逆源歸  
順去恬波遙與峽江通



過三泉龍門二閣

洞戶呀然透碧溪竹軒茅榭映高低行人不待桃  
蒼發一到仙扃已自迷  
時知縣錢丞增葺亭榭間植矢桃故云  
飲過龍門柅使車頓驚凡目識仙都海中知有三  
山在未信能加此景無

漫天嶺

欲使行人直過難倚江凌漢任盤紆回到頂終  
須下如此天高甚處漫

題嘉州嘉望亭

欲知藩境得嘉名試策筇杖上此亭江色照城平  
似鍊嵐光堆檻淨如屏好遊民阜充衢樂出品花  
奇龍坐磐使驛暫來閑寓目幾多高意在鴻冥

再賦一閣

檻外嵐光觸處奇嶺頭金像對巍巍主人偏戀南  
堪樂只恐瓜時未肯歸

皇子誕慶五言十二韻

聖統垂千祀天仁覆萬方思賢詠場藿興儉緝惟  
囊寬法均疏網憂民甚納隍晝夜期不犯行葦見

無傷列廟靈潛佑高穹意默彰故教生嗣晚欽示  
卜年長帝夢前推吉郊祿此報祥協辰初告望紀  
節正迎商和氣隨銅律休符集畫堂清飈來美應  
瑞旭薦榮光九縣歡聲沸三都惠澤滂非才塵近  
掖援筆頌無疆

慶曆甲申郊祀告成五言十韻

上御路寢致齋雪  
作行礼日景色澄霽

聖饗申精意靈心察至虔月知齋次雪為顯祭時  
天清廟陳豐潔中壇致吉蠲樂和來瑞物景霽見  
非煙十日灰飛管通祠火舉權知茵新祀重虛幄

眸容專盛美推穹昊釐祥被幅員慶成朝萬玉霈  
澤謹三錢有幸瞻熙事無才列奏篇為民祈福應  
親記德音宣

上太廟宿齋雪霽二府稱慶  
上曰此為民祈福之應也

雲

郁々疑非霧融々散薄陰油然天下澤淡若嶺頭  
心適意自舒卷有容誰淺深朝來殊未起幽谷闕  
龍吟

霜

霜威昨夜肅天區平曉蒿蘭一槩枯不悟春仁入

根本只憑秋慘及皮膚寒鋒刺甲過矛戟皓色禁  
人着髮鬢料得西風如未緊且來枝上作明珠

初雨

乍覺塵香動風前細若縑無聲猶似雪得潤已如  
膏美利存南畝餘滋付小桃誰知青皞德意不為  
嬉遨

新柳二闋

弄黃含綠葉開眉最有春來次第知生計任隨裁  
者意却嗤松柏不禁移

驛路行人東徠西等閑攀折損芳枝有生自是無  
根物忍向東風贈別離

惜花

看花闋有分分薄亦蹉跎蜂蝶爭無限笙歌得幾  
何利名長自役風雨不須多趁取紅香在高吟卷  
醉螺

柳絮二闋

慣惱東風不定家高樓長陌奈無涯一春情緒空  
撩亂不是天生穩重花

絮雪紛々不自持，亂愁縈困滿春暉。  
有時穿入花枝過，無限蜂兒作隊飛。

錦被堆二闋

碎剪紅綃間綠叢，風流疑在列仙宮。  
朝真更斂薰香去，多擲霓衣上寶籠。

不管鶯聲向曉催，錦衾春晚尚成堆。  
香紅若解知人意，賺取東君不放回。

牡丹初芽為鷓鴣啄之感而成詠

牡丹經雨發香芽，滿地新紅因餓鷓。  
利嘴可能傷

團艷只教春色入凡花

遊蜂

遊蜂紛撲競花繁，未到香鬢只自喧。  
盡日却輸胡蝶計，鬧紅心裏默無言。

新燕

出入高堂性似馴，泥巢深穩足容身。  
彫梁並宿嫌頻看，巧語多應是罵人。

過隋城

信馬隋城下行春，訪舊傳樑臺在何處。  
瓦礫半耕

田遠籟悲茄咽餘花墜靨圖只留荒後迹千古監  
青編

苦雨方霽蛙聲不已

暑雨朝來已厭多蛙鳴猶更幸滂沱雖然快爾狂  
跳志爭柰良田有害何

題翠鐘亭

鐘峯隱一隔江湍翠色偏宜雨後看大抵興王頂  
恃德饒君終古作龍盤

蜀葵

炎天花盡歇錦繡獨成林不入當時眼甚如白日  
心竇叙知自棄幽蝶或來尋誰許清風下芳醪對  
一斟

中秋月二首

自古中秋月風騷得意難幾人停醉筆終夕凭危  
欄海際掀鯨目雲端擢露盤一年相別恨併與此  
時看

月滿中秋夜人人惜最明悲歡徒自感圓缺本無  
情天外有相憶世間多不平嫦娥難借問寂寞趁

西傾

張逸人歸杭

不月閑適出中林塵外高蹤豈易尋  
鴻在碧霄誰可慕雲歸蒼島本無心  
堤奩一鑑平湖滿寺枕千屏  
疊嶂深知已重留多下榻故栖  
猿鶴莫驚吟

答丹陽李公素學士

與君為郡不相遙只隔似洲一信潮  
誨字屢傳來容素治聲常逐過  
江橈詞垣暫爾淹鴻筆字席何妨  
引巨蕉詩句滿筒煩借譽爰居空  
自愧虜詔

謝丹陽李公素學士惠鶴

高竹籠攜得意何勤玉樹慙無可待君  
只愛羽毛欺白雪不知魂夢託青雲  
孤標直好和松畫清唳偏宜帶月聞  
自有三山歸去路莫辭時暫處鷄羣

和潤倅王太博林畔松

鬱鬱山頭翠色摺就中高格出林端  
霜凌勁節難摧柳石纏危根任屈盤  
古鬣自隨仙日老孤風不入俗人看  
時來匠者須回顧且稟幽姿待歲寒

菊

萬卉趣枯疾香含鬪晚葩  
井名應得露野色豈如  
家俗態惜遲暮芳情誰怨  
嗟重陽樽酒伴不見壯  
丹花

重九會光化二園

寺枕隋家廢苑前登高還  
此會僚賢凭軒莫賦悲  
秋事剝撻黃花送酒船  
誰言秋色不如春及到  
重陽景自新隨分笙歌行  
樂處菊花莫子更宜人

黃通尉鄆鄉

古邑萬山裏區區一尉行  
高堂方待養寸祿豈宜  
輕身屈何傷道才多少  
晦名贈言如可取畏路坦  
然平

答胡恢推官

當年都寺接賢初屈指  
光陰一紀餘自說三茅深  
處穩不逢雙鯉寄來書  
隔江聞授諸生業命駕因  
煩長者車得見新詩粵  
高論積年勞吝已全祛

春晴

霽色破春昏高樓日未曛  
林梢零舊雨山頂入殘

雲醉粉勻花頰風羅皺水紋踏青人  
誤約芳思幾  
紛

春霖

咫尺東郊路春霖絕未通  
銷閑生爽思醒睡費茶  
功樓迥昏昏霏牕寒霎霎  
風待晴桑陌上  
五馬恣  
瓊瓏

馬上成春雪二闋

二月風光盡屬春  
六霰何苦妬芳辰  
東君等是回  
生意須與鶯花作主人

曉來飛雪柳香芽  
料峭輕寒特地加  
青帝似矜春意  
早更粧新萼與梅花

過梁山泊

巨澤漸無際齋舩度日撐  
漢人駭鏡吹水身背旗  
旌蒲密遮如港山遥勢似  
彭不知蓮芰裏白晝苦  
蚊虻

移師真定次韻答致政杜公

常山晝野直天街寄重如何付  
不才躍馬敢辭奔  
命去杆羗曾是奮身來  
軍中紀律帶人葺林下罇



巽得意開引領恩軒無路到幾臨風月獨徘徊

常山出郊馬上口占

旌旗乘曉出郊原五馬臨風一慨然山勢似屏西  
限晉地形如掌北擒幽麥含豐澤催齊秀蠶飽桑  
柔起大眠守帥勉希康樂蘭九重高枕不憂邊

登西大悲閣

藹々西藍閣煩襟一望開山川歸盛德森傑委沉  
埃城迥雲連塔烽閣草蔽臺誰知太守意不為納  
涼來

別潭

一潭嘉景四時新不得經年作主人蓮芰風前忘  
九夏綺羅香裏醉三春勤勞疆場誠無避粧點蓬  
瀛惜未真多少勝遊休結戀報君須自立消塵

新館

享宇新成苦未嘉忽膺朝季苟軍牙張侯暫喜留  
歡容開檻憑誰種好花北沼不難平釣岸釣岸未成西  
峯猶欠入牕紗城榭未立後賢政敏多餘暇高會何妨

月影斜

次韻和兗州王侍制過汶上見寄

淺局雖難繼大才谿堂佳致亦添來奇花並蒂宜

新種琦自廣陵取芍藥數種植于芳樹連柯得舊

栽得瑋發連理廳于谿堂之南偏良執假途形詠歎

隣封為治惜淹徊想君醉問歌人處不向風前酌

一杯

中秋不見月

中秋宜月不教晴人倚危欄意未平任是他時圓

更好爭如今夜略分明

韓魏公集卷之四

宋韓琦雜圭著

明康丕揚士遇校

詩

北嶽

四海尊方嶽常推朔鎮雄陽為中夏勝陰與北胡

窮孕秀賢豪出宜靈造化通斗乘天位正乾發帝

基隆盛畜嚴凝氣橫障廣莫風舉頭瞻駿極危坐

壓崆峒殖物資坤德。栖真園坎宮星。纏函畢昴祀  
典軼王公俗。仰良材當年隨喜澤。豐左肱揮渤澥  
右股跨獯戎地險。祠庭華時平戍壘。空嵐光朝撲  
黛寶色夜舒虹。有藥皆奇種。無花不異叢。層巖徙  
鵬鷲。怪穴老罷熊。肆覲儀雖闕。斯民望未充。何時  
清大漠。封牒紀宸功。

喜雪

朔雪飛殘臘。融和變凜嚴。徐來花出六。驟急霰聲  
兼。數住天應惜。爭繁酒易添。積深涵久潤。濟大略  
微。鍾雅意。明書幌。多情入。寧簾舞。脾難學。轉峯頂  
尚饒尖。露蕊仙盤挹。風毛獵。罔燁宮牆。胡粉畫梅  
梗。蜀酥黏影淡。三春絮光寒。八月蟾坦塗。誰復辨  
巨壑。有何厭。狂助詩毫送。清驅厲氣潛。歡謠謦紫  
塞。喜色上彤瞻。凝雷收冰乳。堆庭罅。虎鹽。吾民無  
足慮。豐歲可前占。

上元罷燈

燈夕何蕭索。朝家恤殍災。民心無柰鬱。春意有誰  
開。明月舒雲懶。遊人怯漏回。堪嗤愚太守。獨欲上

熙臺

郡西齋有夜合萱草對開因成二閣

合歡香影拂西齋萱草前臨小檻開待爾忘憂興  
蠲忿爭如無事起靈臺

合歡萱草兩含芳一見令人樂興長惟是憂邊興  
憂回對花終日不能忘

謝真定李齊學惠牡丹

窮邊無處覩春榮咫尺常山似洛城會得主人將  
雅意欲教隣境伏香名全開正弄朝霞色半謝猶

含暮雨情只上賓筵供一醉也勝渾不見芳英

答陝府春卿資政

蓬山曾許挹浮丘踰紀光陰一瞬休朔塞風霜人

易老申湖歌舞景長留我臨賓席頻先醉近年酒量頓衰

往君對仙碁幾自謳公好臨碁而歌其韻尤清千里詩來還感

舊不堪斜日凭邊榭

再答

一從西北困邊塵瀛館仙遊更莫親只慣孿孤揮揮

太白公前書會以孿幾曾橫槊賦青春晴刻按獵

長侵暮夜橐飛卸不待晨多羨井棠聞無訟時將  
佳句惱麈麤人

題覽勝亭

在北城上

極目知何勝東西矗萬岑天雖限夷夏人自失喉  
襟遠木已秋色亂雲猶夕陰清風誰會我太息撫  
霜鐔

題養真亭

新葺公居北虛亭號養真所期清俗慮不是愛精  
神滿目林巒趣一心忠義身吏民還解否吾豈苟

安人

北塘避暑

盡室林塘滌暑煩曠然如不在塵寰誰人敢議清  
風價無樂能過白日閑水鳥得魚長自足嶺雲含  
雨只空還酒闌何物醒魂夢萬柄蓮香一枕山

次韻和致政王子融侍郎歸休述懷二首

周旋通顯竭忠勤勇退翩然得謝身鳴玉乍辭天  
上貴揮金長示里中仁滿牀黃卷開為伴一枕清  
眠任過晨六十九歸今昔少萬年青史紀高人

禮稱七十還君事，豈必如期許退身。臣子引年雖  
審分，朝庭圖舊合推仁。曉登文石方延刻，暮掛危  
冠不待晨竊惜。聖神求治意未宜，輕去老成人。

次韻和真定李侍郎新勅添杯亭

不有浮觴樂，誰知愛客深。投醪當席意，終禊昔賢  
心。自至疑仙術，虛來協道襟。去留雖任物，斟酌孰  
窺陰。阻挹齋中酒，空帶塞上吟。清潭時一望，搔首  
莫能簪。

依韻和機宜陳薦請游城北池館二首

只恨無才濟阻饑，北塘因爾失春期。民心方喜稻  
禾熟，秋色不閑臺榭隳。一泓芰蓮輸水身，幾般烟  
雨臥風旗。佳辰賴有詩人覺，較得紅芳又變衰。  
去歲饑涼待撫循，日憂疲瘵苦傷神。細民溝壑方  
援手，別館鸞花任送春。舉目山河生壯氣，經時臺  
榭極芳塵。秋來幸有豐年兆，還作偷安樂事人。

秋夕二首

大暑喪餘酷，涼秋祛衆瘴。歎氛隨雨斷，素景入宵  
多。鴈影穿池月，蛩聲出砌莎。披襟予自快，楚澤任

悲歌

此夕何清曠新秋乍奪炎涼颺來似舊重暑逝如  
潛露重翻香芰雲跡點素蟾放懷殊不寢箕斗轉

前簷

秋日出刻

疆野壓雄邊乘秋行此田萬峯朝巨嶽多稼入平  
天農飽忘機後童嬉逼社前僚賢須共樂舉白盡

歌筵

中秋月

清商絕過半皓魄最宜圓自是秋光好非綠人意  
偏一宵歌吹地萬里雪霜天忍見西樓下嘉期又

隔年

蒙思加職寄餘杭希文資政

燕石寧參楚璧珍六膺君獎共言綸

陝西經畧副使 環慶秦鳳

帥機官 廣察樞密直學士 今命

老明道大誰同傳千古韓非是罪

人

重九次韻答真定李密學

琴瑟煩更化椒蘭喜望隣致儀慙蟻耐申好忝葶



親惜此登高節難偕逐勝賓遙知潭上酌多少  
花人

次韻答致政宮保杜公

無帶遷職此何名只有慙羞敢自榮  
撫俗未能宜上意治邊徒欲振天聲  
丘山莫副推恩重銖兩惟憂效死輕  
高句不須期任舊已求三載奏官成

上奏乞  
於三年

依前韻再答

不學皇家致太平康寧時節便遺榮  
寰中自樂喬

彭壽海內空流那魏聲一品生來恩  
周重萬鍾拋去祿何輕朝廷欽  
繼姬周盛會向確谿問老成

送省副崔刑部

此去參邦計時才固異倫富民知  
有道言利不違仁祖帳含情日  
歸途適意春前期對清問犧閣近  
槐宸

雪

去花來應臘望雪一開顏歌舞喧  
侯第風沙雜戍閑餘芳留州樹清  
興入江山後夜高樓月蕭然崑



閨間

髮白有感

區、邊朔有何成  
三失涼年只自驚  
無一事來頭  
尚白、人頭處豈堪行

晚步後園有春色

桃柳如春意  
陽和對嫩萌  
風霜誰自困  
鶯蝶始多情  
終入芳菲賞  
休論早晚榮  
窮邊何所負  
轟鼓醉金觥

北樓望春

良疇芳圃  
汨飛埃生意顯  
望震雷北嶺  
有雲空自繞  
幾時為兩出  
山來

寒食

塞上逢寒食  
郊園此重臨  
一時行樂意  
萬室欲春心  
節物隨人好  
風光得處深  
只思民盡適  
容鬢忘霜侵

感事

一來邊障地  
走馬過三秋  
萬緒事常擾  
九分春又休  
鬢花誰在目  
霜雪只侵頭  
縱得風光住  
風光可

柰憂

上巳北塘席上

欣禊春塘上誰知物趣深  
萬花開喜色衆樂出和  
心雨意隨人住杯情逐  
勝斟從茲窮塞地佳節似  
山陰

喜雨

晚雷驅雨協春雩誰識天工用意殊  
不許繁花私潤澤獨教嘉穀足膏腴  
羣心有蒼方思報寸州無  
冰亦自蘇始信雲龍施美意豈帶功  
刀質毫銖

北塘春雨

葉、輕雲帳薄羅坐看膏澤灑庭柯  
風前芳杏紅香減煙外垂楊綠  
意多聲落簷牙飛短瀑點勺池  
面起圓波晴來西北凭欄望拂黛  
遙峯濯萬螺

再謝真定李密學惠牡丹

牡丹京洛艷惠我見新鄰一粵樽  
前賞重生塞上春衰榮存主意深淺  
盡天真却似登蘭室清香暗  
龍衣人

新植花開

去歲栽花遍小欄只憂芳艷不禁寒  
年來醉賞春風裏無限邊人見牡丹

牡丹二首

真是羣芳主羣芳更孰過艷新知品少開晚得春  
多幾日瑤姬夢平生金縷過寒邊今幸活風雨莫  
相魔

青帝恩偏壓衆芳獨將奇色寵花王已推天下無  
雙艷更占人間第一香欲比世終難類取待開心  
始覺真長不散四季呈妖麗造化如何是主張

落花二首

妖艷憑誰主春光去不停離魂亂飛絮  
生意逐浮萍錢英偷餘態茵蕪龍衣舊馨年  
芳信在慎勿歎飄零

一夜殘芳泣露痕曉來紅雨點蘭蓀  
對人終有風添在幾片斜飛在酒樽

郡圃初夏

池館何無賴青春幾日回酒隨花榭減  
心爲水涼開幽鳥閑鳴和清風自往來  
峯巒新在目天與白

雲裁

夏暑北塘

一夕輕雲卷怒雷  
回塘經雨絕纖埃  
蓮房倒盞揮  
人飲柳幄牽絲待  
席開未必鷗飛知  
客意莫嫌蟬  
噪是風來敲煩盡  
滌宜無累柰有詩  
情費剪裁

覽劉易詩集感其遊賞江山放懷自適

區々西北十經春  
強力今為老病身  
白髮丹心論  
底事情風明月屬  
閑人千鈞未免嗤  
鼯鼠一簣猶  
思柳孟津早晚粗  
酬忠回志五湖煙  
水樂吾真

席上聞蟬

柳際一蟬鳴  
停杯忽自驚  
所傷非節物  
未立是功名  
默々悲時事  
區々徇世情  
不須爭噪急  
衰髮實舊  
霜莖

次韻和國信趙內翰北口見寄

時得不可失  
時乎況得天  
蔓圖非易力  
鴆毒是安  
眠廟勝兩楹  
決壺漿一檝  
傳臨閑休發  
詠歸議主  
當然

寄題廣信軍四望亭

西北雲高拂女牆危亭虛豁望中長  
田間堤陌成新險天外江川是舊疆  
古道入秋漫黍稷遠坡乘  
晚下牛羊凭欄多少無言恨不在  
歸鴻送夕陽

粵餘杭布文資政經時兩絕音問  
忽得訊止  
粵近致書同日因以詩寄

聞首郵音得到無使來還喜發雙魚  
却思塞上經時問恰是身中當日書  
人邈江山神自照道存忠義信從跡  
昔年元自慈恩事詩意雖同志未如

一志

一志事邊徼難甘景物催添年花力  
落久戍鴈頻回細葉未成幄飛蚊還  
聚雷顛毛從自變肯使壯心摧

閱古堂八詠

牡丹

極塞將何奉盛娛牡丹池館一株無  
誰人會我栽培意欲見身宮小陣圖

芍藥

從來良守重農桑何事栽花玷此堂  
已愛昔賢形

藻繪更移嘉卉伴馨香

垂柳

東君於此最多情先與黃金撰畫成何似亞夫堅  
壁地因人千古得嘉名

疊石

疊々雲根瀆古苔煙巒隨指在庭塔主人未有銘  
功處日視崔嵬激壯懷

藥圃

堂下開畦植藥苗更將靈種悉名標吾心盡欲醫

民病長得憂民病不銷

溝泉

遙泓分派過迤塔潺々終日瀉瓊瑰誰知到此幽  
閑地多少餘波潤物來

小檜

小檜新移迤曲欄養成隆棟亦非難當軒不是憐  
蒼翠只要人知耐歲寒

芭蕉

邊俗稀曾識此科南方地暖北寒多孤芳莫念違

天性無奈深恩愛育何

次韻荅兼旨王端明

禁扃清切擬仙都多病年々絕塞居四海風雷歸  
舊筆二垂霜霰乃吾廬道同今古猶相照事役鱗  
鴻不計跡莫謂安恬自留滯是非縱有史臣書

七夕同末伏會衆春園

七夕今同末伏辰方塘陶暑集珍羣嬌明萬疇風  
前曲秀嶺千層水下雲幽路倚蒲真入畫香荷擎  
酒不須重天孫莫術機頭巧倒載歸來豈羨君

初秋塘上

池塘涼意早秋色動邊闕酷暑不終暴清風來自  
閑畏螿蟬屢起辭幕燕將還盡日當軒臥看雲歸  
故山

次韻荅渭帥王龍圖

十年西北保疆垂只恐非才謬委毗報國心誠雖  
慷慨背時蹤跡極孤危欲求褒賚明千古直把窮  
通托二儀多謝高篇遠相勞召南風格本王基

覽渭帥王龍圖西行詩集

久陟風騷上將壇更持旄鉞撫邊閔山川滿目吟  
雖苦戈甲藏胸意自閑威望昔嘗派塞外雅歌今  
復奏兵間禁中日夜思頗牧四牡看隨仗節還

送劉易歸洛

滿懷經術欲誰傳却憶西歸治洛田富貴苟求誠  
損義聖賢難遇亦推天春風始入花王國夜月長  
涵宓女川巖谷弓旌如未及且憑詩酒作閑仙  
次韻荅侍讀張龍圖索閱古堂詩石本  
千年賢迹一堂間日企英風敢自安爭似公陳無

逸義君王圖入殿屏看

閱古堂前植菊二本九月十八日花猶未開  
因以小詩嘲之

只趁重陽選菊栽當欄殊不及時開風霜日緊猶  
何待甚得迎春見識來

北塘重九

堪嗤唐彥鄙邊疆不信重陽州未霜樽裡有花荷  
萬葉三年酬賞好風光

試獵



試獵秋原亦治戎飄然豪氣滿西風  
饑鷹糲犬爭  
為用不在人知指縱功

禱雪有感

靈嶽祠宮尚未回  
六花隨禱下瓊瑰  
只憂風力任  
無定最喜雲容重  
不開但得餘滋周  
畝敢求嬌  
意助樽罍夜深猶使家人探  
平地依稀幾寸來

次韻荅留臺春卿集賢侍郎

聞說西臺遂懇章  
一何欽聳一何傷  
赤松世外誠  
先覺白首無間  
是不祥得失兩忘祛  
病術利名相

賊溺人鄉幾時微立疆  
垂効去伴公閑亦道光

再荅

拙者奔馳智者藏  
細論朝體豈無傷  
蒼生因敝誰  
更化賢弱優游自考祥  
四海唐虞終我事  
三川風  
月且吾鄉軍中不識陽春贈  
幾按青萍駭夜光

再荅

久拋儒掖禦戎疆  
每憶青氈只自傷  
身上文章終  
是俗胸中戈甲亦非祥  
哇聲誤入聞韶耳  
藻袞輕  
投被毳鄉賴得高賢時  
借譽不然  
迹轉無光

後園閑步

池圃足高趣公餘事少閑  
幽禽聲自樂流水意長  
閑近竹花終俗過欄草  
費刑心休誰似我官府有  
青山

北塘探春

大鈞特首化微物亦先知  
草木色皆得禽魚意自  
怡和風無不到餘凜欲  
何為會樂斯民樂熙臺興  
未遲

觀稼回北園席上

郊原飛隼拂晴霓  
秋入豐年自快懷  
嘗酒管絃先  
社集北人社前一  
月親拊券禾黍極  
零齊雪鋪蒼  
麥花漫野黛抹  
蔓菁菜滿畦  
區脫徑牢無一事  
山翁贏得醉如泥

燈前遇雪席上

此夕仙花降羯陀  
萬燈光裡雪花和  
天心要足良  
農望人世常多  
好事魔雲際未  
應成霖霖風前  
疑欲助婆娑  
陰晴况是民  
俱樂無柰嘉賓  
惜醉何

次韻荅致政杜公小詩見戲

塞上區々罄拙勤回頭芳歲已三旬何須更殫中  
山酒日々憂邊似醉人

次韻荅致政杜公以遷職惠詩

滿山窮邊喜未還飛塵猶擬助高山一年願借雖  
慙冠萬里思歸却笑班紫塞風煙長冷淡赤松光  
景正安閑何時少奉揮金宴免役勞魂夢竊間

種

一守中山四載餘栽成芳樹滿郊衢州民如有甘  
棠念惜取清陰萬々株

壬辰寒食衆春園

寒食郊園此會稀吏民隨意賞芳菲樽前有樂人  
還去牆外無花蝶亂飛衆裏鞦韆應是駉岸邊鷗  
鳥却忘機黃昏易覺春醪散細雨迎風洒面歸

釋奠廟中作

釋奠於彝禮齋誠致古蠲普天同日記聖道幾人  
傳窮厄當時教推崇萬世賢蒙然如可寤朝夕在  
拳拳

壬辰重九卽席

中山風物有前緣。經賞重陽第五年。莫爲素毛悲。  
晚歲且吹黃菊酌。芳筵退求僻郡。疑邀寵甘老窮。  
邊似好權笑問。此身何計。是不如嘉節。倒垂蓮。

次韻荅留臺春卿集賢侍郎見寄

十稔違談燕。區區混濁流。經時無一信。度夕是三  
秋。友會此難約。君恩尚未酬。何人伴高輿。洛棹粵  
嵩樓。

壬辰歲除宮雪

祈雪經冬未應人。歲除方喜去花旬。解蘇民望終  
爲臘。要入時宜不在春。欲使休祥同節賀。更教生  
物及年新。明朝元會非天仗。萬玉相輝拜紫宸。

賓鴈

候時賓鴈覺秋分。便委胡霜遡楚氛。一片畫屏橫  
遠岫。幾行書字帖輕雲。信通離濶誠虛語。聲到英  
雄似不聞。莫趨衡陽戀。閑暖南兒。贈繳正紛紛。

韓魏公集卷之五

宋韓琦稚圭著

明康丕揚士遇校

詩

次韻荅致政杜公以加節見寄

西北連憂寄責深十年回首失光陰丹心報國期  
輸蓋白日當天荷照臨賜鉞何勞誠醜面扞邊雖  
久即甘心孤根只有衰危甚不得終身被傳霖

次韻荅留臺春卿侍郎以加節見寄二首

一落虛齋官伍噲曹清涼井分絕英髦建牙恩有丘  
山重扞塞功無尺寸高許國壯心輕蹈死殄戎豪  
氣入橫刀只期名遂扁舟去掉臂江湖擲錦袍  
洛下安然塞下勞公持霜簡我持旄憂無虛日三  
垂重閣入芳春萬事高病虎厭風摧漢節臥龍慳  
雨澁身刀遙知嘯傲煙霞外肯把仙袍換戰袍

清明獲虎道中

尺雪征塗已倦行那堪寂寞過清明農居近古鞦

韃野縣堞成虛脾睨平只見靚粧矜節服更無閑  
地匝春耕山川寓目皆形勝可惜虛屯百萬兵

過井陘淮陰侯廟

破趙降燕漢業成免亡良犬日圖烹家僮上變安  
知實史筆加誣責有名功蓋一時誠不減恨埋千  
古歆誰明荒祠尚枕陘間道澗水空傳哽咽聲

離天威驛

早發天威驛深春尚薄寒龍蛇盤道路波浪卷峯  
巒古木崩常晚新派勢未湍忠臣方叱馭更險不

辭難

過故關

春入并州路群芳夾故關前驂驅弩過別境荷戈  
還古戍餘荒堞新耕入亂山時平民自適白首樂  
農閑

百井路山桃盛開

漫嶺大桃樹無人亦自開雲霞深隱旧錦繡遠成  
堆生意鶯樵斧芳情謝寧杯莫迷行客路不似武  
陵回

黑砂嶺路

平定軍西

詰曲榆關道終朝險後平後旌綠燈下前騎半天  
行舉目自山水帶生徒利名報君殊未效何日及  
歸耕

過側石驛

二月春光薄川寒驛路長虎蹲難動石龍矯已剗  
桑嶺狹居多險耕勤地少荒山農駭車騎兒女滿  
莊牆

出山口

待曉出山口溟濛雨乍晴始知經盡險終得坦然  
平草樹開春意川原豁眼明吏民當自信竹馬不  
須迎

送門人曾宏祕校登第南歸

十載辭鄉志登科一旦伸青綸歸養客白髮倚門  
人家釀難禁蠓江鱸正得尊之官如自立吾館有  
賢賓

呂景初啟院被召歸闕

通臣清舉世推公驛召馳御史驄不獨危言開正  
正道更將高節激頽風嚴霜透骨寒威重健鷲盤  
空殺氣雄朝選雖精知尚薄濟時才業滿胸中

初伏柳溪

萬柳籠溪借碧漣滌煩高會喜僚賢人同酷暑病  
庚伏世外清風有洞天一枕易醒西嶠兩滿筵思  
醉北池蓮棠陰訟閭邊烽靜誰信榆闥作地仙  
重九以疾不能主席因成小詩勸北園諸官

飲

莫賦悲哉學楚騷塞庭秋色一時高霜嚴獵衛鷹



權峻風日兮膠士氣豪對月清吟森玳瑁吹花芳  
酌醉葡萄汾波照骨銀河淡曉夕寒光助帳刀

過太原舊城

車書從此九區同雉堞隱雲百載空歛把金湯角  
天命却驚禾黍滿秋風雖餘墟落人煙怕不改山  
河氣象雄何必壞城心可壞祖宗恩德浸無窮

晉祠

唐叔祠推晉域雄乘耒耜想遺風前庭樹古圭  
曾剪近壠禾新穎未同山峻尚存維翰德泉深長

馮及人功愚民不識邦君重歲、西神酒食豐

獅子柳

在晉祠

柳出俊猊首天然塵贅高楓瘤嗤鬼伏松幹讓龍  
豪根聳伸惺爪絲輕被綠毛三眠漢宮樹人狀可  
同褒

長生蘋

出晉祠

竒種定仙草長生晉水蘋採芳曾著詠薦潔可供  
神蕩并衰何速三冬色自新大年如欲較吾豈愧  
莊椿

過甘泉寺

井泉穿石磴山後啓禪扉自笑逃塵境翻來觸靜  
機花開松色淡時前檻壯歌咽磬聲微十里薔薇  
路香風送馬歸

甲午冬閱

練士當時閑臨高若一觀勢憑朝氣銳令入曉霜  
寒事重三軍團形存八陣灘燒燄旌幟動雷吼鼓  
鼙乾畫守誰能紀循環莫見端赴谿驅稚子飄石  
走驚湍彈壓堤封靜周旋四野寬機深天地祕知

少古今難寨巧花齊出營新月未圓全師克國慎  
堅臥亞夫安鴉鶴行雖卷纒緜伎要彈撒韁馳鐵  
騎疊箭取銀盤避槊身藏鐙揚塵足掛鞞弩飛三  
刃劔砲擲百星丸鏡管喧蹄隊看繡足犒餐父兄  
人自衛危蕩衆昏歡有志銘燕石無勞謔漢壇壯  
心徒內激神武正勝殘

賀宮師杜公增秩

漢唐二傳推謙由高退當時歎莫如雖有清風傳  
舊史不聞優寵及安車直緣賢迹光君輔更約師

模在帝儲何似詔公還廟席萬靈和樂泱堪粵

賀觀文富公遷職

祕殿班崇極通聯九重思舊及高賢雖知榮寵公  
非樂且喜孤忠帝尚憐惠物襦襦聊一境得時霖  
雨即敷天萬方翹首聳夔入待見唐虞致治年

賀春卿加大資政職

別殿深嚴峻寵班再煩開府扼秦關棠郊陰滿修  
前治蕙帳香銷在故山天意未容賢者樂官方唯  
許老時閑蒼生况結為霖望豈要窮邊俗吏攀嘗

書以公康寧不當久遂閑適有輒欲奉攀之語故云

走筆戲呈機宜著作與諸同席

不草邊書絕塞氛英僚高會喜同群朋間射鵠雖  
連中坐上飛觥不立分烈士感時何晚歲男兒行  
樂是從軍速揮大白中嚴令多得紅心即戰勳

上巳柳溪席上次韻荅機宜張吉甫判官勸

飲

天意如何未應人蛟龍猶得戢牟鱗民間望極經  
時雨塞上寒深幾日春麥脚埋塵難自展柳眉低

水只乾勻西溪不在浮觴樂且慰群心袂禊辰

柳溪嘲蓮

清香竒色匝芳洲只得公餘一見休道是好花堪  
諠問幾時曾上美人頭

次韻荅永興宰撫文公

建牙非稱冢司官正是宸襟注意宰即日太平歸  
輔翼侍祠重陟岱宗壇

次韻和都運崔諫議寄示立春前一日宿嵐

谷山程

絕色風霜正樹威不知韶律起從微十千酒且迎  
春酌五九寒須伴臘歸破屐好山連日上賈詩嬌  
雪着人飛屬封所過皆蒙惠民吏應如挾纊衣

代書寄大資政春卿侍郎

霄躔將欲正三台促召深思輔翼才只聽燮調光  
玉鉉若為封駁滯銀臺殿惟延納君恩厚經席敷  
陳聖慮開命相幾時符衆望遞中看錄白麻來

六月六日雨後過嶽廟遊從封寺觀稼席上  
暑雨頻經信宿休近却方出釋潛憂雖妨麥始三

停獲且見苗知一半收農之諾神嶽怖民藏電電老  
松憑寺偃蛟虬佳遊况遇從豐識好節千倉待有

秋

自知

郭泥何惜出郊遊始霽才寬望歲憂鬱若山光疑  
是畫飄然詩思盡難收隈林杏頰紅初抹拂砌莎  
髯綠自虬禾黍坐看雲四合有年將乞載春秋

待制崔嶧給事移守圃田

使臺凝績大河東榮圃更臨輔鎮雄鸞省要資雖

錫命犧圖清職未推公滿天秋色增詩骨一路歡  
謠入歲豐會取朝家精選意陪京今是漢扶風

菊鱗

九日陪嘉客金英泛酒舩撥醅時上下浮蟻自周  
旋香逐榴花發甘嗤栢葉先生中宜醉挹仙錄載  
延年

北園秋雨

輕雨來秋晚郊園對客樽暫和春氣味將冷雪胚  
渾聲入閨榆苦陰纏塞嶺昏黃花應自笑棕落獨

羨恩

病中喜雪

天地久閉塞氣和方一開  
花從無象出澤蘊太虛  
來慶可萬區決豐宜百瑞  
魁病襟雖稍釋歡意阻  
賓壘

屬疾

一紀三垂慮中疲病早侵  
人生何苦甚世事愈思  
深冬漏長難過霜風峭不  
禁幾時拋組綬芝木老  
雲林

次韻荅運使楊政舍人

軺車勤按問并部此先行  
糴重傷農業年豐報力  
耕幾時蘇俗困累日獲  
民兵公策方經遠堤封可  
坐清

至和乙未元日立春

元日難逢是立春普天誰不喜  
佳辰一年氣候均  
諸節萬卉芳菲實九旬  
栢葉始傾為壽酒土牛隨  
示力耕人故陰盡草無餘  
臘端朔陽來慶共新

元夕

萬家燈火徹重闈通夕熙然本順民誰道昇平無  
可狀請觀豐稔及茲辰月隨遊騎何曾動蓮嫁春  
風不是真半病使君心未伏欲驅歌吹逐香塵

春寒

春寒着人骨病軀殊未堪鴈慵難遯北花怯不開  
南詩筆少新興戰觥思舊酣邊垂何事樂寂寞月  
將三

後園春日

并塞園林古春來似不知雨輕成凍易樹老發花  
遲劇事隨年倦歡悰入病衰芳時期強賞寧鼓揭  
天槌

乙未寒食西溪

三月鞦韆節西郊蕤蔿州塞寒春尚淺俗樂政同  
優賞愜杯忘筭歌妍餌失鈎黃昏垂柳岸人意若  
遲留

上巳西溪同日清明

拍堤春水展輕紗元巳清明景若嘉人樂一時開  
禊飲節隨上日發桐花紅芳過雨粧新拂綠柳含

風帶畫斜欵，繼永和書盛。事愧無神筆，走龍蛇。

水嬉

巧匠矜能作水嬉，偶形千狀擬真為。機閑自謂無知者，手足其如有見時。釣叟投竿魚自出，舞姬揮  
晉陽封守遠，睢陽空有馳魂若。侍傍處世少容，雖  
鑿枘與公相協，自宮商寫鴻愈適。知難慕疲，駕將  
顛失預量，新句暗投頻駭目。少陵光焰極輝煌。

謝宮師杜公寄示詩編

百諷新篇百忘勞，直將洲旨質風騷。開觀景物辭  
終巧，意到字恬格自高三代。正聲傳雅樂，千年嘉  
味入蟠桃。誰如八十歸休相，字體詩情日日豪。



次韻謝宮師杜公惠詩慶富公為代

產回賢推不世奇兩諧交政辱公詩如褒事契誠  
多幸欲並才名敢固辭踈傳退來光漢史周公歸  
已靜淮夷已入相今須知病守榮非淺日對鄉枌擁  
郡麾

寺底遇大雨寄呈二運使

怒雷傾雨灑無垠天意須臾復至仁比屋士民平  
歎息一川禾黍長精神微犁農喜通新種編問村  
民皆云  
兩微  
犁矣隔轍人誰謂不均大利豈當論小害路泥深

尺波征輪

早行

冒暑行宜早倦途不因人遠風清宿睡微露濕低  
塵好月看無盡高吟意益新未鷄知漸曉天角下  
星辰

禠亭道中農居

山脚林成簇舍窠門前涼水養嘉禾木森松栢圍  
先隴戢牛羊滿近坡官賦已供餘歲備村歌無  
節得天和安全盡責廉平吏三歲齊民更孰過

山行

山路何曾倦官程幸不賒片雲無定雨香草逐時  
花暑序秋天氣農居古堂家鄉閑勤一望峯翠列  
高牙

過微子嶺

崎嶇微子道行路始知難峻嶺萬千疊紆途百十  
盤地磽民力薄天旱穀苗乾未寤蒼々意平川雨  
澤寬自入澗境皆已  
雨足備此未洽

過吳兒谷

曉入吳兒谷危途信不虛千峯疑絕路一迳俯容  
車山鳥過雲語田夫半嶺鋤時平盡周道天險欲  
何如

過涉縣熊耳山

我從團栢歷山岐秀絕唯於熊耳知芳草經年被  
重席輕雲無日展時旂羊頭有黍名終俗壺口稱  
閑類亦卑何似半天留鶴馭此來憑軾學仙期

至昭德

出郊千山與萬山坦途由此達鄉閑邊垂未減宵

衣念閭里徒矜畫錦還憂國敢忘經日慮治身能  
得幾時閑遙知上冢光榮處只在州城一舍間

拜墳

欲知為郡寵畫錦入家村自古拜松楸幾人如子  
孫麾幢新俗觀牛酒飲鄉尊儒者榮斯甚將何報  
國恩

喜雨

垂稔良田雨信愆三農憂死只呼天應時滂洽莫  
無價數日淹遲誤有年立解焦枯非甚力不知神

化此誰權何妨四序均膏澤長使生靈得自然

觀稼二首

尺雨滂然溢旱灾行田因得過家來催成禾黍拖  
泥秀長就枌榆揭凍裁三組不矜聊問俗一厘雖  
陋且容杯却原躍馬却忘病隨目山川氣象開  
一夕甘滋起瘁田陡回災沴作豐年便晴惟恐禾  
生耳將熟偏宜穀捺卷雲退不留驅旱迹氣清渾  
露已秋天衰翁豈獨同民樂更覺詩豪似有權

觀稼回

兩過觀田出近垌，敝廬還喜及柴荆。  
雲平多稼徹天盡，黛拂遠山隨馬行。  
寂寞秋風催晚角，徘徊先隴柰重城。  
鄉人莫羨前驅弩，吾意何如負郭耕。

早赴墳莊

疊々山依皴，曉霞羲輪騰海露。  
天涯一川圖畫秋，方靜萬積。  
去京坻穀盡槎，舊鄴餘風含古意。  
太行高景落詩家，訟庭經日如僧舍。  
又到村居倚將牙。

再出行田

豐歲觀農穫，先疇路不遐。  
子多宜晚穀，生抑就新

麻蕎麥方成，齷蔓菁未入。  
極鄉民愚自託，太守是吾家。

送張吉甫寺丞歸洛

洛中平日是吾家，時節芳菲正可誇。  
權去獨思來衛幕，春歸誰約醉桃花。  
晴飛縣舄瞻仙翼，暖擷臯蘭薦潔牙。  
更想緜笙聞夜月，翩然高意薄青霞。

賀春卿宜徽出師延安

延塞何須輟鉅公，西師今復久橐弓。  
三台班秩名雖重，四海生靈澤未豐。  
莫泥兵韜求策勝，更充賢

業俟時通歸來談笑巖廊上致主唐虞始是功

重陽甲子雨霽

猛收宵雨發秋光甲子朝來甚不傷天意欲教成  
九穀人心兼遂樂重陽山開霽碧迎軒秀菊染新  
黃那酒香氣與民和自無疹豈須從俗佩萸囊

登抱螺臺

壞圃蕭疎有廢臺登高留客此徘徊幾年埋沒荒  
榛滿今日崔嵬宴席開一境山川俱入眼重陽風  
物盡宜杯坐中不勤猶當醉菊蕊浮香似撥醅

次韻荅滑守梅龍圖重陽惠酒二闕

芳醇盈榼副風騷慰我漳濱病擁旄把菊不同陶  
令喜白衣人只送香醪

滑醪清滿菊花卮只欠新螯左手持

今歲並遣兩  
多聯市未至

欲報善隣將意厚苦慙家釀帶春醪

次韻荅滑州梅龍圖惠鼎州甘橘

芳訊欣隨客鯉開雅篇并付木奴來病翁逢酒唯  
憂過更使湘包下滑杯

寒食會康樂園

欽識芳園立意新  
康辰聊以樂吾民  
天收寒食時  
來兩人得常年  
數倍春密  
樓臺花外好  
蟲  
歌  
舞醉中真  
朝來必要昇平象  
請繪輕綃獻紫宸

次韻荅滑州梅龍圖以詩酒見寄二首

對敵公如論酒  
病夫雖劣敢先登  
如將歷境求  
詩戰即豎降旗  
示不勝

東郡何能抑上才  
百書看即日  
邊來名醪價重詩

篇好賸泛西園感  
遇杯公近奏感遇十篇故云

拜西墳

樺角聲喧促曉更  
致虔瑩域出西垆  
春山帶雨和  
雲重麥隴如梳  
破雪青柳樹  
濕濛天水墨  
村農淳  
野古畦丁陰迷  
俄景催歸  
取暫向東風  
眼醒倍

次韻酬滑州梅龍圖惠詩

自昔能詩者如公  
敏思稀清風當世  
聳大雅一時  
歸京輔方期治  
天顏此誓違  
正棠隨有愛  
庖又不  
勞揮吟筆  
閑邀戰隣  
邦動怯團  
疲神支  
敗北對景  
失芳菲  
無物酬明月  
何心銜  
晝衣驚  
弦常跼  
跼突  
陣正駝駝  
溪柳柔  
金幄園  
花爛錦  
帟公新葺溪園為近輔之勝

嬉遊成樂園佳氣俯端闈郢曲高難和荆榛近莫

依流年佛阻闊好夢接容輝不信降旗豎前答公詩已有

請堅降旗之句猶勝走檄威可慙貂莫續安敵虎而飛窘

蹙圖更郡奔逃始見機吾知雖甚義無計戀柴扉

次韻和滑州梅龍圖寒食溪園

溪園高致此非遐請為公陳衆所誇一境熙臺躋

舊俗萬民和氣入新花添芳只有人思召行樂何

須坐有車不獨清明資勝會四時風月愜詩家

次韻答磁州王復都官

本邦為守獲隣封民政雖殊道則同浹境歡然君

有惠一鄉榮甚我何功漸濡義化規模近珍重高

篇氣格雄德薄可能勝尹誦穆如空自愧清風

上巳會城北新礎

誰言智者不兼仁請看新渠激礎輪本為酒材寬

物力更饒春月樂鄉民陰晴天色特寒食在醉人

心即蜡賓父老他年傳故事可忘修禊起茲辰

畫錦堂賞新牡丹

欲集珍叢移此堂春來栽檻首花王連砧不動開

猶少對酒多情格  
自強白晝已凌鄉  
錦色清陰宜  
接訟棠芳娛賓一奉笙歌賞  
從此香名歲月長

暮春康樂園

榆莢紛々擲亂錢  
柳花相撲滾新綿  
一年寂寞頻  
來地三月芳菲已過天  
樹密只喧閑  
身雀臺高猶  
得好山川病夫不飲時  
如此徒有詩情益自然

庚申相臺閔稼

淫雨農疇害復收  
彼何恩厚此何仇  
高田穀穗拖  
牛尾旱地莊窠沒  
獸類稔社徹霄喧  
鼓樂災居無

日苦飢涼如云禍福閑  
為政字得豐凶在一州

苦雨

直疑天際裂銀潢  
大雨連傾時異常  
數里河聲轟  
陣鼓萬條簷簷溜  
卓戎槍雷霆勢惡掀  
人腦蛟靈朋  
凶碎容航正熟民  
田多沒穗幾時仁  
惻動蒼蒼

次韻酬滑州梅龍圖惠酒

久雨無書致睦隣  
坦途非遯盡長津  
正憂吾軍民  
災甚敢覬公齋酒  
味醇得聘蛟龍方  
倚浪未卸根  
莠已齊身太陽  
幾日披雲見  
多少如葵仰望人



冬至前一日雪

地下陽將復人間氣已知羣陰明數極去出見音現  
花多賀稱新年曲歡侔故郢歌同雲留紀古柔嘉  
借萌科起認仄飛管堆疑素出波朝盈振鷺集隙  
隘白駒過樹密輕黏葦天圓細撼羅潔非容物汚  
碎不在風槎農畝經年瑞詩家萬古魔平明開慶  
會綠蟻薦紅螺

臘日出獵二首

霜鼓擁貔貅韓陵山下頭人心忘岱嶽鷹眼快離  
章免逸茲窮虜狐羶即貴酋鄉民誰會我衣錦樂  
畋遊

習平禮樂存形器要閱兵須有殺生故備森戎侔  
斬伐唯於畋獵可申明妖狐膽裂逃終戮老鸛拳  
高下必精大獲未能矜小得幾何人不哂吾行

元日雪

人正開統發新陽盈尺稀逢雪載滂不必宮聲符  
善歲却應和氣得嘉祥同雲幾刻藏春色利澤經  
時洽衆芳遙想九天披曉伏去花吹入萬年觴

新歲拜墳二首

先隴比如何新年重一過  
風迎人意好春入鳥聲  
和畎畝因時勸松楸  
趁暖科公餘私遂及吾幸比  
身多

新歲齋前寂訟鈴不妨  
諏日展先塋遙知隴樹春  
方到一見家山眼又明  
孝弟少期為俗勸里閭  
身足語吾榮此行猶苦圭  
符累名遂歸來更盡誠

寄并帥龐公古瓦硯

鄴瓦搜來頗異常  
寄誠字足奉文房  
早陪神化丹

青筆莫滯邊書赤白囊

次韻荅并帥龐公謝寄古硯

誰傳石末首青州  
鄴硯今推第一流  
更好豈堪濡  
化筆報瓊終念木瓜投

寄題滑州梅龍圖西溪園

陪京高選得名卿  
勤葺公園匪自寧  
政舉輔藩無  
一事意尊王室  
有三亭看花篇什  
煩官課對酒筵  
歌易訟鈴他日  
吏民銘惠愛  
定隨碑刻載圖經

寄題滑州梅龍圖西溪

四時風物隱天真咫尺城隅惜示人幾歲壞堤埋  
老大一朝春色與吾民壺中有景知誠少堂下無  
喧到始頻我亦治園同衆樂夾河相望稱為隣亦相  
治後圃以康樂名之取  
時康而與民同此樂也



